

*Montaignes d'Auvergne* nominantur. Horum Montium pars hodie *Tarara*, teste Gulielmo Budæo lib. iv. de Asse, qui Lugdunum euntibus est superandus. In vertice sedes visitur Petre incisa, cui Mercatores imponunt eos, qui Mercatum Lugdunensem nunquā frequentarunt. Vulgo *La Chere de la Verité* vocatur. Iurare namque coguntur veritatem, Lugduni fuerint unquam, nec ne, eoque nomine nonnihil, quo Genio simul indulgeant, polliceri. *Vogesus* Gallia: Mons Cæsari lib. de bell. Gall. iv. Lucano lib. i Plin. & aliis. *Vocetus* vel *Vocetium* corrupte dicitur apud Tacitum lib. i Historia. & alibi, ut jam ab doctis viris notatum. Alpium nomine a Str. describitur lib. iv. Hodie *Mont de Faucilles*, aliisque nomenclaturis indigetatur. Separat Burgundiam Alsatiamque ab Lotharingia. Provomit Mosam, ut etiam testatur Cæsar, & infinitos alios fluvios, quorum plerique Rhenū petunt. Pars unde Mosella profluit *Kratzer* appellatur: quod habere se tradit Ortelius ex Libello MS. Magni Gruberi, in quo Rhenum describit: addens, Tractum hunc *Esfaye* Gallice, & *Auff der Stay* nuncupari in Chorographica Lotharingia: Tabula, jussu & impensis Ducis ab Ioanne Scyllio accurate delineata: nihilque ibi, eodem Scyllio teste, præter Asarum herbam provenire. Gignit *Vogesus* in valle Leberia Argentum purum: sed, ut notat Munsterus, non ita multum. *Jura* Gallia: dicam Mons, an Germania? Olim fere totus Gallia: quā Helvetia Belgica: adenseretur: Hodie magna etiam parte Germania. Initium ejus statui solet in finibus Basiliensium, juxta Rhenum, è regione Waldzhuti. Altus est, multique & ingentibus subnixus saxis. Meminerunt ejus Cæsar, Plinius, alii. Pt. *Jurassus* est: Strab. *Jurassus* & *Joras*. Ævo nostro Accolis, Incolisque pro ratione Locorum aliis atque aliis vocatur nominibus, Haud procul arce Hasburgenfi prope Burgim) opidulum est sic dictum Idioma: Germanico a Ponte, qui hic super Arolā ex uno Arcu) *Botzberg* audit: a pago *Botzen*, qui cū multis aliis Pedi Mōtis adlocatus. Hanc Iuræ portionem *Vocetum* vel *Vocetium* esse Cornelii Taciti censent Munsterus, Scudus, Lazius, & alii, Ortelius tamen apud Tacitum *Vogesum*, de quo ante, legendum esse minime dubitat. Est eadem hac Montis parte Vallis ingens cui nomen *Frickthal*, a pago cognomine. Occurrunt & alia: hic ibi Valles, ut obiter hoc dicam, *Lauffen-thal*, & *S. Imerf-thal*, & similes: quarum tamen nulla Montem per transversum penetrat. Vbicunque volueris trajicere, opus est alta scansione. Inter Ararim porro & Farspurgum hic Mons appellatur *Schaffmas*, quod Latinis *Ovinum* sonat *Pratum*. Inter opidum *Olen*, & Humburgensem Præfecturam dicitur *Nider-Hauwenstein*, *Inferior sectus Lapis*: Per saxa enim factum est iter. Inter Walnburgum & Balstallium *Ober-Hauwenstein* vocatur, *Superior sectus Lapis*: ubi currus onusti grandibus funibus per Montis declivitatem demittuntur. Occasum versus procedendo *Wasser-fal* nuncupatur, id est *Aqua ruina*. Vterius eundo *Jurten*, ab Sabaudis prisco fere nomine appellatur. Brachium quod se extendit Basileam versus, uno ab urbe milliario, juxta Byrsam fluvium *Blouwen* dicitur: crescitque non parum in altitudine & asperitate quousque Delspergum veneris, ubi rursus in planiciem diducitur. Vterius versus *Bellele* Monasterium Gallicum procedendo, rursus crescit, ac deinde iterum evanescit spatio unius milliarii: hinc iterum saxosum horrendumque Montis jugum ab Oriente in Occasum extenditur: quod pervium fecisse scribitur Julius Cæsar perforato in portæ formam saxo.